

Sa Ou Bezwen Konnen sou Restriksyon Zòn ki Lokalize Eta New York yo

COVID-19 kontinye pwopaje nan Vil New York (NYC) avèk ogmansyon ki preyokipan sou transmisyon kominotè nan kèk katye. [Inisyativ mezi pou fwaye](#) Eta New York (NYS) la egzije restriksyon nan zòn ke Eta a idantifye paske yo genyen transmisyon ki ogmante. Zòn yo kapab wouj, jòn abriko oswa jòn, avèk chak koulè yo ki genyen restriksyon diferan. Pou jwenn zòn ou, vizite nyc.gov/covidzone. Tanpri verifye sitwèb sa a regilyèman pou dezinyasyon ki ajou yo. Pou plis enfòmasyon sou inisyativ mezi pou fwaye yo, vizite [sitwèb NYS la](#).

Zòn Wouj

Lekòl yo

Tout lekòl piblik, lekòl ki pa piblik ak lekòl prive sou kontra yo dwe fèmen epi yo dwe retounen nan aprantisaj adistans. Lekòl yo kapab re-ouvri si yo satisfè egzijans pou tès NYS yo. Konsile [isit la](#) pou plis enfòmasyon.

Biznis yo

Yo egzije tout biznis ki pa esansyèl yo pou yo fèmen. Sèlman [biznis esansyèl yo](#) jan Kòporasyon Empire State Development Eta New York la endike sa kapab rete ouvè.

Etablisman Sèvis Manje yo

Restoran yo, ba yo, kafe yo ak lòt etablisman sèvis manje yo kapab bay sèvis pou anpòte ak livrezon sèlman. Yo pa otorize okenn espas manje andedan oswa deyò.

Tanp Adorasyon

Tanp adorasyon yo gendwa rete ouvè nan 25% kapasite a jiska yon maksimòm 10 moun, kèlkeswa sa ki pi piti a.

Rasanbleman yo

Rasanbleman ki pa esansyèl yo nenpòt dimansyon an entèdi epi yo dwe repòte oswa anile yo. Nenpòt moun ki ankouraje, pwomouvwa oswa òganize rasanbleman an mas yo dwe resevwa kontravasyon jiska 15,000 dola pa jou.

Zòn Jòn Abriko yo

Lekòl yo

Tout lekòl piblik ak lekòl ki pa piblik nan NYC yo dwe fèmen epi yo dwe retounen nan aprantisaj adistans. Lekòl yo kapab re-ouvri si yo satisfè egzijans pou tès NYS yo. Konsile [isit la](#) pou plis enfòmasyon.

Biznis yo

Biznis yo gen ladan sant jimnastik yo, sant aktivite fizik yo ak sèvis swen pèsonèl yo (tankou boutik kwafè yo, salon kwafi yo, espa yo, salon tatou oswa pising yo, teknisyen zong yo ak salon zong yo, kosmetològ yo, estetisyèn yo, sèvis eliminasyon cheve ak elektwoliz yo) dwe fèmen.

Etablisman Sèvis Manje yo

Restoran yo, ba yo, kafe yo ak lòt etablisman sèvis manje yo kapab bay sèvis manje deyò ak pou anpòte ak sèvis livrezon sèlman. Genyen yon maksimòm kat moun pa tab. Yo pa otorize okenn espas pou manje andedan.

Tanp Adorasyon

Tanp adorasyon yo gendwa rete ouvè nan 33% kapasite a jiska yon maksimòm 25 moun, kèlkeswa sa ki pi piti a.

Rasanbleman yo

Rasanbleman andedan ak deyò yo dwe limite ak pa plis pase 10 moun. Nenpòt moun ki ankouraje, pwomouvwa oswa òganize rasanbleman an mas yo dwe resevwa kontravasyon jiska 15,000 dola pa jou.

Zòn Jòn

Lekòl yo

Lekòl ki pa piblik ak lekòl prive sou kontra NYC yo gendwa rete ouvè si egzijans tèl NYS yo satisfè. Nan dat 19 novanm 2020, tout lekòl piblik yo fèmen.

Biznis yo

Tout biznis yo gendwa rete ouvè men yo dwe swiv egzijans pou COVID-19 yo pou [sektè](#) yo a.

Etablisman Sèvis Manje yo

Yo otorize espas manje andedan ak deyò. Genyen yon maksimòm kat moun pa tab.

Tanp Adorasyon

Tanp Adorasyon yo gendwa rete ouvè nan maksimòm 50% kapasite a.

Rasanbleman yo

Rasanbleman andedan ak deyò yo dwe limite ak pa plis pase 25 moun. Nenpòt moun ki ankouraje, pwomouvwa oswa òganize rasanbleman an mas yo dwe resevwa kontravasyon jiska 15,000 dola pa jou.

Tout Zòn yo

Tout Nouyòkè kapab pran kèk mezi pou ede anpeche pwopagasyon COVID-19 la:

- **Rete lakay:** Rete lakay ou si ou pa santi ou malad oswa si ou te teste pozitif pou COVID-19, si ou te nan kontak pwòch avèk yon moun ki genyen COVID-19 oswa si ou te vwayaje. Ou ka sòti lakay ou pou swen medikal ki esansyèl ak lòt komisyon esansyèl yo.
- **Distans fizik:** Rete omwen 6 pye distans de lòt moun yo, menm si yo pote yon kouvèti pou figi. Pa patisipe nan gwo rasanbleman, espesyalman sa ki fèt andedan yo.
- **Mete yon kouvèti pou figi:** Pwoteje moun ki bò kote w yo. Ou ka kontajye san ou pa gen sentòm yo epi ou ka pwopaje maladi a lè ou touse, estène, pale oswa respire. Lè yo pote yo kòrèkteman (kouvri ni nen ou ak bouch ou), kouvèti pou figi yo redwi pwopagasyon COVID-19 la.
- **Pratike ijyèn men pwòp:** Lave men ou souvan avèk savon ak dlo epi itilize dezenfektan pou men abaz alkòl si savon ak dlo pa disponib; netwaye sifas moun touche souvan yo regilyèman; evite touche figi ou avèk men ou san lave; epi kouvri bouch ou ak bra ou lè ou ap touse oswa estène, pa itilize men ou.

- **Al fè tè:** Pou ou jwenn yon sit pou fè tè COVID-19 toupre ou, vizite nyc.gov/covidtest oswa rele 212-268-4319. Yo fè tè la gratis nan anpil sit yo, gen ladan tout sit ke Sant + Lopital NYC (NYC Health + Hospitals) ak Depatman Sante NYC ap jere yo.

Pou enfòmasyon jeneral sou COVID-19, vizite nyc.gov/health/coronavirus. Pou mizajou sou repons kont COVID-19 Eta a, vizite coronavirus.health.ny.gov.

Depatman Sante Vil New York gendwa chanje rekòmandasyon yo pandan sitiyasyon an ap evolye. 11.19.20